

Málsýking.

—o—

Hvergi hefi eg séð minst á iskyggilega málspillingu, sem er þó orðin svo mögnuð að hún gerir vart við sig hjá vel ritfærum mönnum. Málspillingu þessa mætti kalla þágufallssýki (dativitis), því að hún lýsir sér þannig, að menn nota mjög þágufall orða þar sem á að vera þolfall. Þannig skrifa nú orðið flestir: „að bola einhverjum burt“, þó að hið rétt sé: að bola einhvern burt. Og fremur sjaldgæft er að sjá skrifað: berast á banaspjót, eins og rétt er; menn skrifa: berast á banaspjótum, alveg eins og sagt væri: að bera vopnum á einhvern. Málsýkingu þessa þyrfti að rannsaka og íslensku kennarnar nír í barnaskólinum ættu að geta átt góðan þátt í að útrýma henni.

6. mars.

Helgi Pjeturss.

Vísir 7. 3. 29

Í fám orðum má segja hver er tilgangurinn með sköpun mannsins, eða þessari tilraun, sem nú hefir staðið í svo sem 1000 miljónir ára, eða frá upphafi lífsins á þessari jörð, og ekki er farin að takast enn nema að litlu leyti, hjá því sem þarf. Tilgangurinn er sá, að koma upp veru, sem sjálf geti tekið að sér að stjórna nátturunni þar sem er heimkynni hennar, og þannig tekið þátt í stjórn heimsins. Ef tilraun þessi á að geta tekist, þá verður fyrst og fremst að vita af henni, og skilja hverjir fyrir henni standa, svo að unnt verði að ná fullkomnara sambandi við þá og njóta betur stuðnings frá heim. Úrslitaspor í þá átt, er að vita að guðir fornmannar eru ekki hugarburður einn, heldur lengra komnir menn á öðrum stjórnunum, og að mannkyni jarðar vorrar er nauðsyn á sambandi við slikein verur. Það er næsta eftirtektarvert, að vísindaleg þekking á sambandinu við lifverur á öðrum stjórnunum, skuli eiga upptök sín hér á Íslandi, og vonandi er að hin fyrsta vísindalega stöð til sambands við lífið á öðrum stjórnunum, verði hér. Og ef það ár sem slik stöð kemst hér upp, með margra samþykki og aðstoð, verður ekki öðrum fremra að þjóðarvelgengni, þá mundi eg ekki um það fást, þó að menn hefðu síðan litið traust á mér sem heimsfræðingi.

28. jan.

Helgi Pjeturss

Útgef 1929. 28 jan